

SAKSPAPIR

Saksnr	Utval	Type	Dato
045/21	Formannskapet	PS	02.06.2021
	Heradsstyret	PS	

Saksbehandlar	ArkivsakID
Berit Karin Rystad	21/1386

Vidare arbeid med næringsutvikling i Osterøy kommune

Vedlegg:

vedr. ny Næringsmodell_Industrilaget
SV budsjettvedtak

Styresak 21-2021_Tilbakemelding til Osterøy kommune på budsjettvedtaket 2021

Næringsutvikling Osterøy_2021-4-7_Presentasjon for Heradsstyret_oppdatert

Ny modell for næringsarbeidet i Osterøy_Sluttrapport Januar 2021

Rådmannen sitt framlegg til vedtak:

Rådmannen rår til at Osterøy Utvikling AS spissast mot næringsutvikling og blir kommunen sitt operative verktøy for å fremje og utvikling næringslivet på Osterøy etter modell frå rapport «Ny modell for næringsarbeidet i Osterøy, januar 2021», H-sak 092/21.

Osterøy kommune kjøper tenester av Osterøy Utvikling AS. Desse tenestene skal definerast i eit oppdragsbrev basert på gjeldende strategi i selskapet.

Arbeidet finansierast 50% av Osterøy kommune og 50% av næringslivet på Osterøy, 1 million på kvar av partane

Formannskapet - 045/21

FS - behandling:

Rita Tveiten, AP - bad om vurdering av gildskap for seg som styreleiar i Osterøy Utvikling AS

Ragnar J. Tyssebotn, FRP, bad om vurdering av gildskap for seg som styremedlem i Osterøy Utvikling AS

- dei tok ikkje del i møtet ved avgjer om gildskap - Berit M. Borge, H, møtte som vara for Rita Tveiten
- 7 medlemmer/varamedlemmer til stades

AVRØYSTING gildskap

Rita Tveiten - vart samrøystes kjend ugild

Ragnar J. Tyssebotn - vart samrøystes kjend ugild

Vedtaket vart gjort med heimel i kommunelova § 11-10, 1. ledd. Rita Tveiten og Ragnar J. Tyssebotn vart kjende ugilde etter fvl. kap. II, § 6, 1. ledd, bokstav e, .. når han .., eller er medlem av styret eller bedriftsforsamling for et selskap som er part i saken. Punkt 2 gjeld finansiering og drift av Osterøy Utvikling AS, og selskapet må difor reknast som part i saka, jfr. same lov § 2, bokstav e.

Hjalti H. Gislason, H, gjord slikt framlegg: "Osterøy Utvikling AS vert spissa mot næringsutvikling og blir kommunen sitt operative verktøy for å fremje og utvikla næringslivet på Osterøy etter modell frå

rapport «Ny modell for næringsarbeidet i Osterøy, januar 2021», H-sak 005/21, og i tråd med oppdatert føremålsskildring i «Eigarskapsmelding 2021», H-sak 032/21. Osterøy kommune kjøper tenester av Osterøy Utvikling AS. Desse tenestene skal definerast i eit oppdragsbrev basert på gjeldende strategi i selskapet. Totalkostnaden ved tenestekjøp kan ikkje overstiga 1 500 000,- per år. Heradsstyret legg til grunn at delar av aktiviteten i selskapet vert finansiert med bidrag frå mellom anna det lokale næringslivet i kommunen."

AVRØYSTING

Alternativ avrøysting

Rådmannen sitt framlegg - 0 røyster
Hjalti H. Gislason sitt framlegg - samrøystes tilrådd (2SP,2H,1AP,1SV,1KRF)

FS - vedtak:

"Osterøy Utvikling AS vert spissa mot næringsutvikling og blir kommunen sitt operative verktøy for å fremje og utvikla næringslivet på Osterøy etter modell frå rapport «Ny modell for næringsarbeidet i Osterøy, januar 2021», H-sak 005/21, og i tråd med oppdatert føremålsskildring i «Eigarskapsmelding 2021», H-sak 032/21.

Osterøy kommune kjøper tenester av Osterøy Utvikling AS. Desse tenestene skal definerast i eit oppdragsbrev basert på gjeldende strategi i selskapet. Totalkostnaden ved tenestekjøp kan ikkje overstiga 1 500 000,- per år.

Heradsstyret legg til grunn at delar av aktiviteten i selskapet vert finansiert med bidrag frå mellom anna det lokale næringslivet i kommunen."

Saksopplysningar:

Saksopplysningar:

Osterøy utvikling AS har fått utarbeidd ein rapport av INAQ AS for å stake ut ein kurs for selskapet. Rapporten er basert på ein involverande prosess som blei gjennomført i perioden oktober 2020 til januar 2021. Prosessen har hatt fokus på å involvere både næringsliv, Osterøy kommune og eit utvalg av regionale samarbeidspartnarar.

Rapporten rår til:

- Osterøy Utvikling AS fortset som eit aksjeselskap eigd av Osterøy kommune
- Selskapet sitt styre skal bestå av 5-7 representantar med relevant og komplementær kompetanse, inkludert styreleiar
- Rådmannen/kommunedirektøren i Osterøy kommune blir gitt tale og møterett med rolle som observatør i styret
- Vestland Fylke inviterast som observatør til styret
- Tett dialog mellom dagleg leiar og styret er viktig i ein type selskap som dette, noko som krevjar at styret sine medlemmar må ha både motivasjon og tid til å engasjere seg i selskapet sine aktivitetar
- Selskapet si drift finansierast med 1,5-2 mill NOK årleg
- Selskapet tar frå 2021 ansvar for tre satsningar; vidareutvikling av eksisterande industri, vidareutvikling av reiselivssatsinga og samskaping av framtid som omfattar meir samarbeid lokalt og regionalt
- Selskapet skal operere gjennom ein nettverksbasert arbeidsform der selskapet plasserar seg som ein aktiv mellomromsaktør i Osterøy. Selskapet skal ha ein slank organisasjon

og operativ arbeidsform

- Selskapet sitt styre bør snarest gå i dialog med Osterøy Industrilag, Osterøy Reiselivslag, Osterøy Bondelag og eventuelle andre næringslivsorganisasjonar for å utvikle nye moglege samarbeidsløysningar
- Tett dialog og godt samarbeid mellom selskapet og eigarane er ein føresetnad for å lukkast framover. Det gjennomførast derfor jevnleg eigarmøte mellom kommunen som eigar, styret og dagleg leiar for selskapet. Møta blir forberedt og arrangerast i samarbeid mellom Osterøy kommune (som eigar) og Osterøy Utvikling (som operatør)

Osterøy kommune skal fortsette sitt engasjement og vidare arbeid med næringsutvikling gjennom realisering av samfunnsdelen av kommunenplanen og gjennom arbeidet med arealdelen av kommuneplanen. I tillegg skal kommunen jobbe aktivt med private reguleringsplanar knytt til næringsutvikling og lose dei i hamn til realisering i dialog med regionalt nivå. Byggesak skal prioritere byggesakar knytt til næringsliv og bistå i å finne gode løysingar der ein må ty til dispensasjon for å utvikle næringsliv i kommunen.

I tillegg skal kommunen arbeide vidare for å gjere Osterøy kommune til ein attraktiv stad å etablere seg og jobbe med å auka omdømme og attraktivitet, både for attraktiv busetting som kan få arbeidskraft/kompetanse til kommunen og attraktive tenester innan skule, barnehage, fritid og gode, inkluderande bumiljø. Dette er viktige rammevilkår for at næringslivet på Osterøy skal vokse og utvikle seg.

Når det gjeld finansiering av næringsarbeidet så vi kommunen sitt bidrag skje gjennom ordinær drift. Når det gjeld Osterøy utvikling AS sitt bidrag i 2021 visast det til styremøte i Osterøy Utvikling AS – styresak 21/2021 (vedlegg). Når det gjeld næringslivet sitt bidrag visast det til brev frå Industrilaget v/Vevle til styret i Osterøy Utvikling AS dagsett 18. mai (vedlegg).

Bakgrunn

I H-sak 092/21, jnr.postID 20/24397 vart det gjort følgjande vedtak:

«Det vert løyvd ein million kroner til satsing på næringsutvikling kvart år i økonomiplanen. I kva form dette skal gjennomførast vert vedteke etter at rapport frå pågåande prosjekt er handsama i Heradstyret over nyttår. Ressursar til avsett til næringsutvikling i 2021 –1 mill. –vert i 2021 søkt dekkja inn gjennom ekstraordinært utbyte frå det heileigde selskapet Osterøy Utvikling (m.a. etter sal av eigedomar i Haus våren 2021). For resten av økonomiplanperioden vert dette å dekkja ved å trekkje ned ramma for kvar sektor, fordelt forholdsmessig etter totalramma til sektorane.

Vurdering

Rådmannen vurderer det slik at eit spleiselag mellom kommunen og lokalt næringsliv vil være ein god modell for å vidareutvikle satsing på næringsutvikling i Osterøy kommune. På denne måten vil ein knytte tettare dialog mellom kommune og næringslivet og danne eit forpliktande samarbeid mellom partane.

Folkehelse

Miljø

Økonomi

Konklusjon

Osterøy Utvikling AS skal fokusere på næringsutvikling. Egedomsbiten av selskapet er underordna. Rådmannen vil eventuelt omme tilbake med ei sak om egedomsmassen til Osterøy Utvikling AS og

vurdere om den skal førast tilbake til kommunen.

Osterøy Utvikling AS skal være kommunen sitt operative verktøy.

Osterøy Utvikling AS skal være ein organisasjon for næringsutvikling med politisk styring og kontroll, men med eit klart skille mellom politisk styring og operasjonell kontroll og ansvar.

Osterøy Kommune kjøper tjenester av Osterøy Utvikling som defineres i et oppdragsbrev basert på gjeldende strategi i selskapet.

Sentrale elementer: Oppdragsbrev, styreinstruks, strategi og handlingsplan.